

## AMETS MAMITUA

(Zangotza'ko Lore-Jokuetarako egina, 1987)

Amets egin dut. Ta ura dut orai  
Era zarrean adirazi nai.  
Neskatxa bezin eder, zangar,  
Nere ametsa ponpoix sartzeko  
Gurbil bat bikain, gaiñ-barne utrezko,  
Landu idazu, urregin azkar.

### I

#### Ur ertzean

Aragoi, Irati'z gaindikaturua,  
Napar lurreko ibai autaturua,  
Urdin, txaira, dana zeartuz,  
Euskal menditar atsez asca,  
Sorgin-ipuiez agitz betea,  
Ba-doa Zangotza musutuz.

Ene Zangotza!, esana dut, bai,  
Zure izena, goitiar, alai.  
Anitz makur-une zurizko  
Ibai zail orren altzoan koka  
Or zaude goxo, bizi-atsalka,  
Aur lizunkoiaren kideko.

Suge lepoa ixura dute,  
Zar izanikan oraindik gazte,  
Ezker-eskui daukazun maldak;  
Muiño ta bizkar, landa ta zelai,  
Zugaitz artean gaztelu arrai,  
Lirain dira zure sorbaldak.

Bide pikoan apatz jarria,  
Emen naukazu zuri begia!  
Begiok, ez otoi, lausorik...

Ikus pozarren azpiko uri  
Egon-eziña, kabi urduri,  
Len-oraiñak mendez loturik.

Kulunkaz gorri gari-arloak,  
Ezin obezko masti naroak  
Urruti-ertzean galduaz...  
Poxpolin pillak or dira, noizka,  
Eiztariaren oiñaze-meta,  
Egari azkar aren sistaz.

Gari, mestura, ardo ta igali,  
Oroz duzu zuk gaiña estali;  
Birako txapar artean duzu  
Bizkor ta ugari abere-saldo;  
Zure semeak ba-dute naiko  
Jan-edana, uda ta negu.

Onez gaiñera, or dakusazkit  
—Zein eder diran ba ote dakit?—  
Zur-zerrak eta irin-erxeak,  
Pabriketako ke-zillo gurpil  
Ezin aseak aizetan bipil,  
Poz-azirik ustez barneak.

Jaiez musikak alaitzen dizu  
Jendea kalez ta basoz usu;  
Adorez sendo, lerdan gorputza,  
Eliz ta etxe, moja ta praille,  
Kristoren legez alkarren maite,  
Eder daramazu bizitza.

Zangotza segail!, zuri eiotzen  
Emen nagotzu bertsoak ozen.  
Zuretzat bedi nere didar,  
Irrintzi bero, oiñ-eztanda;  
Zuretzat nere biotz-zauskada,  
Oroz gaiñetik beti zangar.

Kondairan zear zure izena  
 Beti izan zaigu argi, ozena.  
 Zaindari zera mugan jarria;  
 Etsai-mendean maiz jauzi arren,  
 Etxera inholaz, oi uri guren ],  
 Napar lokarriaz etsia.

Aragoitarrak maiz, aundi-miñez,  
 Ibilli ziran zu artu naiez;  
 Baiña Adrian'go urak ba-daki  
 Zure semien bular sendoan,  
 Zure alaben odol beroan  
 Zer dagoen, oso ertsiki.

Ordutik zure ikur erdian,  
 Lau taket txuriz panpox jantzian,  
 S. A. gailen daramazkizu.  
 Lena dut amets, lena dut laztan,  
 Zure egifak ez dakit nolatan  
 Ospe-gaillur aizez aintzatu.

Gerota ere napar lur barna  
 Eldu zitzaigun atzerritarra;  
 Espoz-Mina'kin zure semeak,  
 Xorta estuan bildurik lerdan,  
 Ementxe bertan zapal zituzten  
 Abbe prantsesari gud-osteak.

Ibaiak pir-pir, zugaitz itzalez,  
 Zangozak irra, seme leialez...  
 Aldia or ordur arsaunka.  
 Kondaira zear zabilza beti  
 Langille trebe, alai ta amesti,  
 Bizitz-ontzian zimur-ozka.

\* \* \*

Urregin bizkor, apail zadazu  
 Xixel txurikin gurbilla usu.  
 Baiña, ez, itxoin; ez apail, otoi.  
 Ba-daukat lendik barnean kutxa,  
 Or dut gordeko nere ametsa,  
 Bizitza zear maitasun-oroi.

Igotz

## KANTUZ ETA ITXAROPENEZ

Ez eukan arek dirurik  
 ezta eukiteko  
 itxaropenik bere,

alan da guzti be  
 ez jakon aztu  
 aurreerantza  
 joaten;

urrengo egun-sentiaren  
 argiagaz  
 beti siñisten eban  
 bezperako  
 illuntzietan,

betikotasunezko  
 goi-maitasunaren  
 susmoa  
 aurkitzeko  
 itxaropena  
 ekarten

cutsalako.